

yspersong

in den letzten junitagen
höast du jeden lera klagen
dass ea nua mea aufn zahnfleisch ummakreut
is des schuijoa dann vuabei
is ea waach wie hoferbrei
oba ea waas, jetzt kummt di scheene zeit

von die kinda und kollegn hob i eigentlich scho gnua
doch do gibt´s hoit no wos bsundas, und des losst ma hoit kaa ruah...

drunt im yspatoi
bin i jeds joa amoi
und tua füman oda druckn oda moin
wo i geh und schteh
is do a atelie
des tät dem heann freinet sicha gfoin

drunt im yspatoi
scho zum zehntn moi
kemma eansthoft diskutian di gonze zeit
wo i geh und schteh
is do a atelie
auch di frau freinet hett do ia freid

in den eastn julitagen
kannst du hundat lera fragen
hobts ia denn von da schui imma no net gnua
oba do im yspatoi
is des gonz a kloara foi
di atelies gehen duach bis viere in da frua

weu jetzt is ma wida kloa, wos i moch hot aa aan sinn
und i konn a wieda gschpian, doss i gean a lera bin...

drunt im yspatoi
bin i jeds joa amoi
und tua füman oda druckn oda moin
wo i geh und schteh
is do a atelie
des tät dem heann freinet sicha gfoin

drunt im yspatoi
scho zum zehntn moi
kemma eansthoft diskutian di gonze zeit
wo i geh und schteh
is do a atelie
auch di frau freinet hett do ia freid

harald riederer, 2010 07
08